



Headlines

- मुखमंत्री उमर अब्दुल्ला होंरें डेयरी ढांचागत विकास स्कीम दा जायजा लैता। उनें डेयरी आले सैक्टर च जम्मू-कश्मीर दे समर्थ गी उजागर कीता
- मुखमंत्री होंरें जम्मू ते श्रीनगर लेई Master Plan ते भवन निर्माण सरबंधी एकीकृत नियम-कायदें दी समीक्षा कीती।
- इस बरे दी श्री अमरनाथ जी दी यात्रा च 4 लकख सोआ बद्द श्रद्धालुएं बाबा बर्फानी दे दर्शन कीते। एह यात्रा साढ़ी रिवायतें ते भारतीय संस्कृति च लोकें दे भरोसे गी दर्शादी ऐ आकखेया गृहमंत्री अमित शाह होंरें।
- सेहत ते शिक्षा मंत्री स्कीना इत्तू होंरें आकखेया जे जम्मू-कश्मीर दे नौजवानें च समाज च सकारात्मक बदलाव आनने दा समर्थ मौजूद ऐ।
- ते जंगलता मंत्री जावेद अहमद राणा होंरें Zambu Zoo दी विस्तार योजना दी समीक्षा कीती। सैलानियें दे अनुभव गी बेहतर बनाने लेई रुतें साब्बै गतिविधियां ते Night Safari दी योजना बनाई जा रदी ऐ।



CM -Dairy

मुख्यमंत्री उमर अब्दुल्ला होंरें इक उच्च स्तरीय बैठक दौरान जम्मू-कश्मीर च डेयरी प्रसंस्करण ढांचागत विकास स्कीम दा जायजा लैता। इक हजार 4 सौ 33 करोड़ रपे दी लागत आहले जत्नें दा मकसद डेयरी सैक्टर गी वैश्विक मुकाबलेबाजी आहला उद्योग कायम करना ऐ। इस दौरान मुख्यमंत्री होंरें दुध सरबंधी प्रसंस्करण गी 4 थवां 20 फीसद अगले 7 बरे च करना ऐ। इस योजना तैहत 18 जिलें च 10 स्वयंचालित दुध प्रसंस्करण आहलियां इकाइयां कायम करना, 100 जांच आहलियां लैब कायम करना ते 10 हजार करसानें दे डेयरी समूह कायम कीते जागंन।



CM- Master Plans

मुख्यमंत्री उमर अब्दुल्ला होंरें जम्मू ते श्रीनगर दौनें शैहरें लेई Master Plan दे कन्नो-कन्नी समूलचे जम्मू-कश्मीर लेई भवन निर्माण सरबंधी एकीकृत नियम-कायदें दी समीक्षा करने लेई इक बैठक दी अध्यक्षता कीती। बैठक च जम्मू Master Plan 2032, श्रीनगर Master Plan-2035 ते भवन निर्माण सरबंधी नियम-कायदें-2021 बारे तफसीली विचार-विमर्श कीता गया। मुख्यमंत्री होंरें इस गल्लै पर जोर दिता जे Master Plan छड़े विजन दस्तावेज गै नेंई होने चाहिदे, सगुआं जमीनी स्तह पर असरदार अमलावरी यकीनी करने आले होने चाहिदे तां जे इन्दा लाह सब्भनें तगर पुज्जी सकै। उनें एह बी निर्देश दिते जे योजनाएं च सब्भनें हितधारकें दी भलाई-बेहतरी गी ध्यानै च रक्खेया जा ते पर्यावरण साबबै टिकाऊ होने दे कन्नो-कन्नी औने आले समें च

दौनें शैहरें दी चुनौतियें कन्ने निब्बड़ने दे समर्थ बी होऐ। एदे इलावा उनें इस गल्लै पर बी जोर भरेया जे दौनें शैहरें दी संस्कृतिक पंछान बनाई रक्खी जानी चाहिदी ऐ।

<><><><><><>

Shah- Amarnath Yatra

केन्द्रीय गृहमंत्री अमित शाह होरें इस बरे दी सलाना श्री अमरनाथ जी दी यात्रा सफलतापूर्वक सम्पन्न होने पर संदोख जाहिर कीता ऐ। सोशल मीडिया दी पोस्ट च शाह होरें आक्खेया जे इस बरे 4 लकख 14 हजार थवां मते श्रद्धालुएं बाबा बर्फानी दे दर्शन कीते ते पवित्र गुफा च मत्था टेकेया। एह साहड़ी रिवायतें ते भारतीय संस्कृति च लोकें दे भरोसें गी दर्शादा ऐ। उनें सारी सुरक्षा एजेसियें गी श्री अमरनाथ अस्थापन बोर्ड, जम्मू-कश्मीर प्रशासन ते स्वयं सेवी संगठनें गी सुरक्षित ते शांतिपूर्ण ढंगे सिर यात्रा सम्पन्न करोआने लेई मुबारकबाद दिती। उनें मेद जाहिर कीती जे बाबा बर्फानी सारें पर अपना आर्शिवाद बनाई रक्खगंन।

<><><><><><>

Drug Awareness Campaign

केंद्री गृह मंत्री हुंदे आसेआ जारी निर्देशें मताबक नशे दी रोकथाम सरबन्धी ब्यूरो 15 कोला लेइयै 16 अगस्त तगर नशे दी रोकथाम लेई इक राष्ट्रव्यापी जागरूकता अभियान दा आयोजन करोग। इस मुहिम दा मकसद लोकें गी नशाखोरी दे माड़े असर बारै जागरूक बनाना ऐ ते “नशामुक्त भारत” संकल्प गी लेइयै सब्भनें गी किट्ठे आहनना ऐ। इस दरान मुख्य भरे दे बक्ख-बक्ख शिक्षा संस्थानें च नशा बरोधी अभियान तैहत कार्यशाला, सेमिनार, पोस्टर बनाना, निबंध लेखन, प्रतियोगिताएं, नुक्कड़ नाटक ते साइकिल रैली ज्नेही गतिविधियें दा आयोजन

करोआया जाग तां जे लोकें दी खास करिये नौजवानें दी भारत गी नशामुक्त बनाने लेई सक्रियता कन्ने भागीदारी यकीनी बनाई जाई सकै।

<><><><><><>

Dy. CM -PWD Nowshera

उप-मुख्यमंत्री सुरिन्दर चौधरी होरें कल राजौरी जिले दे नौशैहरा हल्के च PWD आसेया तोड़ चाढ़े जा रदे बक्ख-बक्ख विकास कम्में दी प्रगति दा जायजा लैने लेई मुतलका अधिकारिये कन्ने इक बैठक लाई। समीक्षा दौरान Dy. CM होरें जेड़े Noushera हल्के दे विधायक बी हैन, UT Capex, नाबार्ड, SAMAGRA, प्रधानमंत्री ग्राम सिड़क योजना दे होरनें मुतलका कार्यक्रमें तैहत बक्ख-बक्ख परियोजनाएं दी अमलावरी बारे तफसीली आकलन कीता। डिप्टी CM होरें मुतलका अधिकारिये गी निर्देश दिते जे ओह सब्भनें कम्में दी रफ्तार च तेजी आनन तांजे इनेंगी समे-सिर सबूरा कीता जाई सकै। एदे इलावा उनें गुणवत्ता बनाई रक्खने लेई मानकें दी पालमा यकीनी करने दे बी निर्देश दिते।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ औंदी 14 अगस्त गी “विभाजन विभिषिका स्मृति दिवस” दे मौके पर 25एं मिनटें दी इक विशेष परिचर्चा दपैहरी 12 बजे प्रसारित कीती जाग। इस विशेष कार्यक्रम च स्हाढ़े परौहने होडन मन्ने-परमन्ने दे इतिहासकार, लेखक ते राजनैतिक विशेषज्ञ प्रो. हरिओम ते पी.टी.आई दे ब्यूरो चीफ अनिल भट्ट, जेड़े 1947

च भारत ते पाकिस्तान बश्कार होई दी बंड बारै अपने माहिराना बचार सांझे करडन। इस कार्यक्रम दा संचालन करडन न्यूज एंकर जगमोहन शर्मा। एह कार्यक्रम तुस मीडियम वेब 303 मीटर यानि 990 किलोहर्टज़ ते एफ.एम 100 अशारिया 3 मेगाहर्टज़ उप्पर बी सुनी सकदे हो।

<><><><><><>

Itoo- Youth

सेहत ते शिक्षा मंत्री स्कीना इतू होरें आक्खेया जे जम्मू-कश्मीर दे नौजवानें च सकारात्मक बदलाव आनने दे समर्थ मौजूद ऐ ते इक विकसित ते न्यायसंगत समाज स्थापित करने लेई उनेंगी समर्थन देने दी लोड़ ऐ। मंत्री होरें एह गल्ल श्रीनगर दे अमर सिंह कालेज च Cluster University आसेया आयोजित विकसित भारत युवा Connect कार्यक्रम दे समापन समारोह च बोलदे होई आक्खी। अपने सम्बोधन च मंत्री होरें आक्खेया जे युवा पीढ़ी नशाखोरी, सेहत ते स्वच्छता जनेह बक्ख-बक्ख समाजी मुद्दें बारे जागरुकता पैदा करियै समाज च सकारात्मक बदलाव आनी सकदी ऐ। उनें अग्गे आक्खेया जे असेंगी लोड़ ऐ जे अस उन्दे समर्थ ते क्षमताएं गी पंछानचै ते राष्ट्र निर्माण च उन्दा योगदान यकीनी बनाचै कीजे ओह राष्ट्र विकास लेई प्रेरक शक्ति न।

<><><><><><>

Rana Jambu Zoo

जंगलात ते पर्यावरण सरबन्धी मंत्री जावेद अहमद राणा होरें कल जम्मू चिड़ियाघर दे कम्मैकाजे दी समीक्षा करने लेई इक बैठक दी अध्यक्षता कीती। एदे इलावा उनें एहदे विस्तार आस्तै

योजनाएं पर बी तफसीली नै विचार-विर्मश कीता तां जे इसी इक प्रमुख सैलानी थाहर बनाया जाई सकै। मंत्री होरें चिड़ियाघर गी होर बेहतर बनाने ते इत्थे सैलानियें दी आमद गी बधाने लेई जतनें दी लोड़ पर जोर पाया। उनें इस गल्लै पर बी जोर भरेया जे जम्मू Zoo गी प्रमुख वैश्विक सैलानी थाहर दे तौरा पर विकसित करने लेई मार्गदर्शन दी लोड़ ऐ। एदे इलावा मंत्री होरें चिड़ियाघर च जनौरे दी भलाई-बेहतरी गी पैहली प्राथमिकता बनाई रक्खने पर बल दिता। बैठक च दस्सेया गया जे सैलानियें दे अनुभव गी होर बेहतर बनाने लेई रुतै साबबै गतिविधियें दे कन्नो-कन्नी राती आली सैर यानि Night Safari दी योजना बनाई जा रदी ऐ।

<><><><><><>

Jitendra -Tiranga Rally

केन्द्रीय राज्यमंत्री डाक्टर जितेन्द्र सिंह होरें उधमपुर-डोडा-कठुआ लोकसभा हलके दे सब्भनें विधायकें ते DDC चेयरपर्सनें कन्नै इक बैठक लाई ते औंदे सुतंत्रात दिवस समारोहें ते एदे कन्नै जुड़े दे कार्यक्रमें दी योजनाएं दी समीक्षा कीती। बैठक च “हर घर तिरंगा अभियान” ते तिरंगा यात्रा लेई कार्य-योजना गी मुकदा रूप देने लेई आक्खेया गया। “हर घर तिरंगा अभियान” गी जनता दा राष्ट्रीय एकता आला त्योहार आक्खदे होई डाक्टर जितेन्द्र सिंह होरें चुने गेदे नुमायंदें, कार्यकर्ताएं, युवाएं ते मकामी लोकें गी आग्रह कीता जे ओह इनें अभियानें च सक्रियता कन्नै हिस्सा लैन ते एह यकीनी बनान जे हर कोई राष्ट्रीय एकता आले इस त्योहार च गर्व कन्नै शामिल होए।

<><><><><><>

Tiranga Rally

किश्तवाड़ दे अतिरिक्त डिप्टी कमीशनर पवन कोतवाल होरें किश्तवाड़ दे लोकें गी अपील कीती ऐ जे ओह तिरंगा रैली च बदी-चढ़ियै हिस्सा लैन। एह रैली चौगाम मैदान थवां शुरु होग ते बस स्टैंड हुंदी होई परतियै चौगाम मैदान च आइयै सम्पन्न होग। इस कार्यक्रम दा मकसद देशभक्ति आहली भावना ते एकता गी बढ़ावा देना ऐ।

<><><><><><>

ARTO

रामबन दे सहायक क्षेत्रिय यातायात दफ्तर ते होरनें दुए मैहकमे आसेया रलियै तिरंगा रैलियें दा सरिस्ता किता गया। एह गें चला रदे “हर घर तिरंगा अभियान” दा हिस्सा ऐ। इसदा मकसद देशभक्ति आहली भावना गी बढ़ावा देना ऐ। RTO आसेया इस मौके गी सिड़क सुरक्षा बारे जागरुकता पैदा करने लेई इक मौके दे तौर पर बी लैता जा रदा ऐ। इस दौरान लोकें गी ट्रैफिक नियमें, कायदें ते सुरक्षित गड्डी चलाने बारे दस्सेया-दसाया जा रदा ऐ। इस्सै दौरान RTO मैहकमे आसेया यातायात गी सुचारु बनाने च बी खास भूमिका निभाई गई, खासकरी रैलियें दौरान इस बारे होर जानकारी दिंदे होई ARTO रामबन-कुलदीप सिंह होरें आक्खेया.

<><><><><><>